

VIDEO: Intervju sa BiH dijamantom "Interview 20 Edin Džeko"

12/09/2013 14:09 by Administrator

Nogometni reprezentativac BiH Edin Džeko bio je gost u emisiji "Interview 20" BHT 1 u kojoj je govorio o odnosima u reprezentaciji, o Manchester Cityju, Robertu Manciniju, te novom treneru Manuelu Pellegriniju. Intervju je rađen nakon poraza reprezentacije BiH od Slovačke u Zenici, te uoči revanša u 1/2 finala pa je Džeko kazao da "miđevi uvijek izađu iz svojih rupa kada reprezentacija izgubi da pokvare još više sve što je godinama građeno".

[VIDEO:](#)

"Stvorili smo atmosferu kao da smo Brazil i nakon svakog našeg poraza ništa ne valja. Ima još utakmica i nadam se da ćemo ih dobiti. Jedna od mojih neostvarenih želja je da odemo na veliko takmičenje, svi želimo u Brazil", rekao je Džeko.

Nema problema sa Hajrovićem

Osvrnuo se potom i na priče koje su se pojavile nakon poraza od Slovačke, a prema kojima je kapiten Emir Spahić išao u London da ga moli da igra u reprezentaciji. "Kasnio sam dva dana iz opravdanih razloga, a onda se pojavila priča da je Spaha dolazio u London da me moli da igram za reprezentaciju. Ne znam samo kako je onda isti dan mogao biti na treningu. Sve su to gluposti, baš kao i priče da Spaha i ja krijimo tim a da se selektor Safet Sušić tu ništa ne pita", naveo je Džeko.

Novinarka Sanela Prašević potom ga je upitala ima li problema između njega i novog igrača u timu Izeta Hajrovića. "Osim toga poraza nikakvih problema u i oko reprezentacije nema. A to se tiče mene i Hajrovića, ja sam tu priču završio još prije nekoliko mjeseci, mi igramo za jednu državu i tu smo da pružimo ruke. Naravno da se ne družim sa Hajrovićem jednako kao sa Spahićem, Misimovićem ili Ibrićem koji su već godinama u reprezentaciji", rekao je Džeko.

Dijamant je također govorio i o svojoj situaciji u Manchester Cityju, odnosno o bivšem treneru Robertu Manciniju, u čijoj je nemilosti bio i sjedio na klupi.

U nemilosti Mancinija

"Između mene i Mancinija nije bilo nikakvih većih problema izuzev tog mog nezadovoljstva što ne dobijam priliku da igram onoliko koliko sam smatrao da bih trebao imati. Priliko je frustrirajuće u jednoj utakmici dati četiri gola, a u sljedećoj biti na klupi", istakao je bh. napadač, dodajući kako ga je predsjednik Cityja nakon odlaska Mancinija upitao je li sada zadovoljan. "On je znao za moje nezadovoljstvo jer sam se i njemu žalio u par navrata i zato me to i pitao. A vlasnika kluba, jeika, još nikada nisam upoznao", dodao je Džeko, navodeći kako je novi trener Pellegrini donio puno novina u tim i ulio samopouzdanje igračima.

Džeko je tokom intervjua istakao i kako je ponosan na svoju ulogu ambasadora Unicefa, te je potpisao svoj dres iz Cityja i loptu sa kojom igra reprezentacija BiH u svrhu prikupljanja novca za liječenje, odnosno za novo srce oboljelog Adnana Fazlagića, uposleniku RTV Federacije BiH, kojem treba još 40.000 eura za transplantaciju srca. U narednih 48 sati svi zainteresovani mogu poslati svoje ponude na mail info@interview20.ba kako bi kupili ovaj dres i loptu i pomogli u liječenju Fazlagića.

Izvor vijesti: klix.ba
